

Naalakkersuisunik qinersineq.

(Naalakkersuisut Siulittaasuut)

Inatsisartunut ilaasortat ilisimasaattut, Naalakkersuisut katitigaanerata allanngortinneqarnissaanik, Naalakkersuisut siulittaasuut kissaateqarsimavoq. Taamatut allanngortitsinerit Inatsisartunit akuerineqaaqqaartussaapput. Taamaalilluni Inatsisartut Naalakkersuisullu pillugit Inatsisartut inatsisaanni § 22, imm. 3-mi, aamma Inatsisartut Suleriaasianni § 5, imm. 3-mi aalajangersarneqarpoq Naalakkersuisut siulittaasuut Naalakkersuisunut ilaasortanik qinigassanik amerlassusilikkanik aqqisigut taasanik Inatsisartunut inassuteqassasoq. Aalajangersakkat taakku aamma naapertorlugit Naalakkersuisunut ilaasortassanik qinersineq pissaaq Naalakkersuisut siulittaasuata siunnersuutaasa ataatsimut taasissutiginerisigut.

Peqatigitillugu ilisimatitsissutigissavara Siulittaasoqarfiup aalajangermagu oqaluuserisassani immikkoortup matuma oqallisigineqarnerani piffissat oqaaseqarfiusinnaasut, aalajangiiffigisassatut siunnersuutit siullermeerneqarnerani piffissat oqaaseqarfiusinnaasut malissagaat.

Maannalu Naalakkersuisut Siulittaasuut qinnuigissavara Naalakkersuisunut ilaasortanik qinersinissamut inassuteqaatini saqqummiuteqqullugit.

(Naalakkersuisut Siulittaasuata Naalakkersuisunut ilaasortassatut siunnersuutini saqqummiutissavai)

Naalakkersuisut siulittaasuannut qujavugut.

Taavalu maanna partiit oqaaseqartartui oqaaseqakuakka.

(Partiit isummatik saqqummiutissavaat)

Naalakkersuisunut ilaasortassatut uku Naalakkersuisut siulittaasuannit inassutigineqarput:

Steen Lynge, Atassut

Siverth K. Heilmann, Atassut

Kim Kielsen, Siumut

Vittus Qujaukitsoq, Siumut

Finn Karlsen, Siumut

Jens-Erik Kirkegaard, Siumut

Martha Lund Olsen, Siumut

aamma

Nick Nielsen, Siumut

Inatsisartunut ilaasortat qinnuigaakka taaseqqullugit.

- Isumaqataasut:
- Akerliusut:
- Isumaqataaanatilluunniit akerliunngitsut:

Taamaalillunilu Naalackersuisut siulittaasuata inassuteqaatai akuerineqarput.

Naalackersuisunngortut pilluaquakka sulinissaminnilu ingerlalluarlutillu iluatsitsinissaannik kissaallugit.

Inatsisartunut ilaasortaq Finn Karlsen, Siumut, Naalackersuisunut ilaasortatut atuunnermini Inatsisartunit sulinngiffeqarnissaminik qinnuteqarlunilu akuerineqarsimavoq.

Sinniisussap Saxtorph Didriksenip qinigaasinnaanera Qinigaanerup Misilinneqarnissaanut Ataatsimiititaliap akuerisimavaa.

Taamaalillunga matumuuna inassutigaara Saxtorph Didriksenip Finn Karlsenimut sinniisussatut Inatsisartut ataatsimiinnerini peqataasarnissaa Inatsisartut akuerissagaat.

Akerliusoqarnerluni? Taamaattoqanngilaq.

Saxtorph Didriksen, Inatsisartunut tikilluaqqigit. Takanna, Inatsisartuni inissannut ingissinnaanngorputit.

Taamaalilluta oqaluuserisassap matuma suliarineqarnera naammassivarput, oqaluuserisassanilu immikkoortumut tullermut imm. 4-mut ingerlaqqissalluta.